

商戰地位。而促華僑商務之進行。洋洋灑灑。發揮盡致。聽者動容。鼓掌聲達於戶外。演說既畢。乃開茶會。至四點鐘始如儀而散。甚鬧熱云。

中華會館電影之大觀

### ▲先影廣州市景

### ▲次影嶺南大學

嶺南大學副監督鍾榮光先生。帶來廣州市繁華景況。及嶺南大學全部之影片。昨禮拜晚（十六號）在中華會館配影。分前後兩場。觀者人山人海。甚為擠擁。時至七點餘鐘。即開影第一次。先影廣州市全城地圖。以次而及於各繁盛地點。各樓宇公園。比曩時而大易舊觀。一如親遊其地。目擊莊嚴璀璨之羊城也者。影畢。即影嶺南大學之各段校地。各級員生。各校成績品。各式遊戲場。與夫農大所植之蔬果禾稻。所畜之牛羊豬雞。所種之桑。所出之蠶。所裝之糖菓。所曬之臘味。應有盡有。極為美觀。餘如盲人院。藏書樓。游泳池。郵政局。銀行旅舍等等。亦無不齊備。儼然如一極有秩序極有精神之小國。誠為西南各省獨一無二之良好學校也。

（記者按）廣州瀕海。交通甚便。得風氣之最新。公路之開闢。市制之

改良。固無足異。惟嶺南大學。規模廣大。經劃周詳。秩序之整齊。規制之美備。學生成績之高上。各級教員之衆多。不獨爲中國所僅見。卽比諸歐美各文明強國。其大學堂當不過如是。故中國遊生。從別校出而留美者。要從第一年級起。讀足年數。方算畢業。其前日在中國所讀過之年級。概不能作有成效。如在嶺南出而留學。無論在嶺南讀過日子多少。其未畢業出而留學者。日前所讀之年級。概作有效。只照欠缺之學期補習而已。是嶺南大學之程度。能與美國大學比並。已爲美國人所承認。我僑不必親遊嶺南。但觀影畫。見其形式之宏大。儼然一組織完備之小國。便知其辦事之有精神。爲我國學界開一新紀元。我國人當援開國元勳之先例。爲鍾榮光先生鑄銅像紀功。今鍾先生到此募捐。再爲農大盡義務。卽爲我輩謀衣食。觀其影片之稻禾。高比人頭。可知其收穫之豐。而所出之蠶紙。每張獲利百餘元。比諸民間所出之蠶紙。每張僅獲利十五元。則多五倍。苟由此而仿效之。拓展之。以及於全國。則一畝田可變爲五畝。猶如使中國多五倍之地矣。其有益豈淺鮮哉。吾僑觀此電影畫。宜作若何感想。吾僑對於鍾先生。宜

生若何敬仰。吾僑對於此捐款。宜盡若何助力也。吾僑宜暫爲減衣縮食。以助成嶺南農學。而謀永久之豐衣足食也可。

### 陳穎川學校開學兼開歡迎會紀益

本灣訪函云。昨禮拜一日。(十號)陳穎川堂中西學校開學。敬設茶會。歡迎鍾榮光先生，鍾仲芍先生，謝超傑先生，區永篤先生，周文波先生，各來賓。及邀請公使領事主事各先生。駕臨指教。而孫秘書慕唐先生下車伊始。亦同在歡迎之列。時至下午一點鐘。鍾先生等卽一齊駕臨陳穎川學校。該校員生等亦預肅衣冠。排班歡迎。一一握手爲禮。迎入禮堂。稍事憩息。卽搖鈴開會。先由該堂總理兼學校教員月湖君。宣佈開會歡迎理由。而致仰慕高賢之意。先由鍾先生。孫秘書等，次第起立致答謝詞。并發揮鴻詞偉論。訓勗諸生。而嘉獎該堂辦學之熱心。各員生靜聽嘉言。感激不已。鼓掌之聲。達於戶外。演畢。乃開茶會。歡叙一堂。莫非賢俊。該校員生。顧而樂之。洵盛會也。至一點餘鐘。始各興辭而返云。

### 鍾穎川堂歡迎鍾謝周區諸先生紀盛